

明
詩
紀
事

明詩紀事

貴陽陳田輯

庚籤

沈懋學 三首

懋學字君典宣城人萬厯丁丑第一人及第授修撰

福王時追諡文節有郊居遺稿十卷

弇州山人續稿先生詩文不名一家縱橫捭闔往往出人意表

靜志居詩話君典少任俠兼精技勇能上馬舞丈八稍嘗出塞縱觀飛狐花馬險塞突為驍騎追至幕南君典挾一矢命中其黨乃不敢追既登狀頭是年第二人即江陵相子嗣修江陵方欲引以相助會奪情乙舉君典貽書嗣修謂相君天子師表奈何棄綱常飽人以口實嗣修應不能答也又貽書李尙書養河解頰激切養河發書嘻笑而已君典乃與吳編修子道趙檢討汝師謀各上疏吳趙受杖去官而君典疏

草爲人所持不果進然江陵業恨其異已而海內皆服其風節矣君典四十而天年壽不將命爾而王元美作墓表厝緯真作傳欲傳會吳陽子昇真之確至以妖夢厚誣光明磊落之君典是豈愛人以德者耶田按江陵奪情五君子抗論先後被杖君典疑救建言諸臣疏格不得上今疏存集中論者謂非擬疏之難上疏之難既未上矣存之何爲乎其貽江陵子嗣修書余見之於沈純甫南征錄中宛轉開陳不失忠告之義集反失載君典豪倚之士余閱朱竹垞詩綜施愚山宛雅所錄均不愜余意特從郊居稿中甄錄三詩庶幾見君典之豪情逸韻耳

敬亭望九華山

敬亭一以眺天外九芙蓉久矣慙清夢誰哉啟祕封浮雲高鳥沒落日綺霞重舊是仙人宅焉將跨白龍

有感

生平憐俠節世態薄狂奴意氣千金盡勳名一劍孤浮雲愁

李白歧路泣楊朱好棹扁舟去春風自五湖

汪山人子建自塞上歸賦贈

塞門寒色擁黃雲日落燕山酒易醺
春水五湖歸夢杳尊前長揖大將軍

曾朝節二首

朝節字直卿臨武人萬厯丁丑第三人及第授編修
歷侍講諭德侍讀學士少詹事遷南禮部侍郎掌翰
林院事進本部尚書贈太子太保諡文恪有紫園草

二十二卷

共結蒲團坐

共結蒲團坐沈沈俗慮銷
荒村羣動寂淨土萬靈朝響入疑

空梵聽餘轉次寥定知車馬客終不耐塵囂

皇子百日

百日欣逢睿節新兩宮燕喜屬芳辰雲中鳳輦來王母日表
龍顏識聖人瑞氣正浮三殿曉歡聲齊動六宮春願將多壽
多男祝歲歲年年獻紫宸

馮琦十四首

琦字用韞臨朐人副使裕曾孫萬厯丁丑進士改庶
吉士授編修厯侍講諭德庶子進少詹事掌翰林院
事遷禮部侍郎改吏部拜禮部尚書贈太子少保天
啟初諡文敏有宗伯集八十一卷

穀城山房集北海馮公古體淵源漢魏而軼出於唐
近體沈浸盛唐而致極於杜

王錫爵文肅文草琢菴詩以情真爲宗次傳聲調長
篇感激沈壯類老杜五七言律和雅會心絕不如近
時名家以浮音亢節自喜
明詩選陳臥子曰宗伯經術之士雖未冥搜亦能象
合
田按用韞早達留心經濟時講筵久輟與同官余繼
登共進通鑑講義傳以時政尤究心當代掌故於祖
宗典謨先臣條奏能舉其要謂魏相條上漢故事可
爲師法駸駸擢用登揆席爲沈一貫密揭而止文章
爾雅詩兼長各體論者謂與東阿子文定並爲海表
人望云

述懷

女弟纔四歲舉步一何嫺向人輒下拜頗識嗔喜顏傷彼蕙
蘭花零落清霜寒疇昔多歡悰一一成悲端余亦慕弘達不
能割此難焚汝身上衣碎汝指上環九原長決絕撫膺獨汎
瀾

壬辰書事贈別鍾淑濂張伯任

世事亦何常慘舒遞相盪今日非昨日回首一惆悵聖人久
在宥君子始用壯漫同賈生哭竇恃漢文量日月豈不照雷
霆未敢抗其日風塵昏黃雲自飛颺侍臣盡改服緹騎紛持
杖矯矯山陰公尺牘還內降庭蓄留侯策帝厭王陵慙赤烏
將去國白麻別命相省垣及選部一時盡屏放就中誰最賢
鍾張尤倜儻兩生軀幹小氣欲排嶽嶂新從上谷來膽落臨
邊將豺狼盡已屏藜藿誰敢傍古來直節士大半投炎瘴至
尊多優容忍使居一障視汝舌尙在幸汝身無恙莫忘國士
遇甯同庶人謗所惜正士去滿朝氣凋喪從茲天廐馬靜立
含元仗居然言路塞兼虞禍機釀傳言半疑信蓄意多觀望

稽首辭九廟尙欲徵靈貺國本苟不搖甯使臣言妄譬予非
諍臣執經侍帷帳吏隱類方朔諫說燕哀盜威顏尙不接肝
膽終難諒知無匡世資三山行將訪

田按萬歷二十年禮科給事中李獻可疏請豫教元
子帝大怒摘疏中誤書弘治年號貶一秩調外六科
給事中鍾羽正張棟等各具疏救大學士王家屏封
還御批力諫帝愈怒家屏引疾乞罷詔馳傳歸羽正
棟均被譴此詩矯矯山陰公尺牘還內降省垣及選
部一時盡屏放紀共事也是時帝罷鄭貴妃子福王
幾倖踰次立賴諸臣先後力爭越二年元子始出閣
講學如東宮儀

雙林寺歌

長安春風能幾許陣陣化作秋來雨蒼狗白衣那可辨古今
榮瘁甯堪數君不見立明宮君不見雙林寺雙林寺主迹如
埽路人猶說繁華事憶昔金貂近帝樞轉日回天傾上都九

列有時觀進退五侯無敢同馳驅縱橫五鹿客交結霍家奴
城中甲第連白虎城外浮圖下赤烏浮圖矯矯凌雲際乘豹
驂狸鬪神異天中畫棟蟠龍螭階下豐碑蹲踞最天子親爲
降勅書宰臣不惜書名字布金刻玉神亦勞勞血塗膏鬼所
忌從來執權如抱虎黃鉞一下無處所半夜雷霆飛赤霄百
萬金錢歸少府罪厚難徼帝釋靈譴輕未齊君王怒大第深
沈別有人野寺悽涼已無主試看今日蓮與蒿試看舊日石
與牢豪華意氣竟何在寂寞樓臺空復高黃金臺前車已覆
黃金陽中滿已撲何處流人泣向隅何人貴近欣當軸一歲
花開一度春一年世事一回新惟有寺前松柏樹年年長對
往來人

田按玄明宮劉瑾所構雙林寺馮保所構李空同何大復有玄明宮行余並錄之于無垢馮用韞有雙林寺歌子亦並錄之當時若王子衡公孝與亦有作俱嫌不稱

去婦行送別陳南濱侍御

戚戚復戚戚去婦長太息欲去難爲別後心不去甯堪眼前
擲不須逐去婦婦去何須逐昨日尊章偶不歡今朝娣姒笑
相目等是君家婦妾命偏難住風雨何淒淒不見嫁時路郎
君如浮雲雲暗復中開賤妾如流水水去何當回水流到東
海千里始一曲妾行無所歸一步一踟躕留妾身上襦忍名
曰合歡攜妾機中絲念君衣裳單去婦行色何草草人情反
復誰能保束縕虛勞鄰母問纖縑自有新人好新人貌舊人
心妾命自薄君恩深君恩深妾何止休言嫁婦不出里倘君

別後能相理與君同生亦同死

秋夜偶成示舍弟

一院蟲聲合空階雁影過疏燈人不寐涼露夜如何逸思秋
來減歸心病衰多長安今夕月應照舊煙蘿

送公亮年丈出參閻藩

一出春明外方知道路難詞臣行作吏報主敢論官何日延
津合悲風易水寒天街明夜月寂寞倚丹看

過翠華岩

明湖看欲盡遠寺始聞鐘不識青蓮界芙蓉第幾重行披山
徑草坐對洞門松雲際傳清梵天香落瑤峯

陪祀長陵

文皇陵墓枕居庸王氣連雲正鬱蔥原廟衣冠千古淚帝圖
襟帶萬山雄至今魚海無傳箭見說烏號有墮弓夜雨崆峒
仙仗杳六龍松柏尙嘶風

冬至拜牌

去歲茲辰供奉班中朝肅穆漢衣冠諸方盡入天王貢聖主
親郊太乙壇雲覆離宮華蓋轉霜清輦道玉珂寒虛疑咫尺
威顏在翹首天門謁帝難

過故相第

長安變態杳煙霞賓客紛紛田實家燕子已歸誰甲第牡丹
空泣舊繁華十年黃閣沙邊路幾日玄都觀裏花寂寞重門
車馬絕後庭無樹夜棲鴉

送別孝與同遊赤澗茶圃

一會何堪抵別愁，未能分手且同遊。
人家雞犬桃源路，野水蒹葭剡曲舟。
憶昨論心還聽雨，卽今送遠更悲秋。
明年便是湖山主，期爾東鄰借許由。

送魏中丞撫晉中

千里雄關接冀都，崑崙天外控匈奴。
試看鐵騎新行塞，不比金繒遠賜胡。
節制總歸中執法，威名先到小單于。
塵清玉帳渾無事，獨立轅門片月孤。

送孝與東歸二首

萬里蒼煙海氣通，欲從何處望東蒙。
斜風細雨長安道，賴得分攜是醉中。

素衣不禁帝京塵出郭看春已暮春我自倦遊君未遇楊花
如雪送歸人

王士性一首

士性字恒叔臨海人萬歷丁丑進士除確山知縣擢
禮科給事中改吏科出爲四川參議歷太僕少卿遷
河南巡撫疏辭以原官改南就遷鴻臚卿有五岳遊
草十二卷

泊鄞江

錦纜牙檣江上舟採菱歌斷雨新收白雲半掩林泉色紅葉
初驚海國秋水落魚龍游淺渚月明鷗鷺起芳洲客懷淡蕩
隨流水不倩蘆花相對愁

魏允貞

四首

允貞字懋忠南樂人萬歷丁丑進士授荊州推官徵授御史以言事謫許州判官遷南兵部主事歷郎中進光祿少卿歷順天府丞遷右通政以右僉都御史巡撫山西進右副都御史兵部侍郎天啟初追諡介肅有司理南銓光祿里居京兆銀臺撫晉等稿

文起堂集開府魏公五言如秋色近重陽飄零感異鄉久客鳳凰臺秋深鴻雁來浮名不可戀芳草又萋萋離心不可道楊柳自江干工於發端若一官來白下五字學黃初一路梅花發滿江春水流明時候逐客佳節是他鄉白首爲郎意青尊送客情關河千里外風雨五更深微雨催寒食芳花滿故園等聯悉爲佳境

靜志居詩話見泉以直節聞相傳其子廣徵甫登賢書來省其父見泉閉之扉中不許就禮部試曰此破犁轡也一得志必陷我家聲矣後果然詩近伯疏論

者謂遜其弟繼權

對落花有感

不堪南國裏又是落花時興逐少年去春歸旅客知病多因
止酒愁到強吟詩寒食故園日芳菲憶滿枝

雨後憶弟

荏苒秋云暮淒涼客不禁關河千里外風雨五更深苦憶連
床語微爲擁被吟病身歸未得知汝此時心

漢江逢費侶鶴年丈時由掌科出憲川西

春花分手蒨門煙錦纜相逢漢水邊一唱郢人回白雪千盤
蜀道入青天劍光忽動豐城紫關吏能傳柱下玄莫以論思
耽侍從少年驄馬幾人先

酬寄邱太史

西來春水接天流
楚客歸帆不待秋
爲有江頭芳樹色
時時回首仲宣樓

鄒元標一首

元標字爾瞻吉水人萬厯丁丑進士觀政日以建言
謫成都勾召授吏科給事中復以言事謫南刑部照
磨遷南兵部主事改吏部歷員外郎中謫官起大理
寺卿遷刑部侍郎進左都御史贈太子太保吏部尙
書諡忠介有願學集八卷存真集十二卷

田按忠介以論江陵奪情謫戍吾黔黔士之從公遊
者若陳給諫尙象余雖縣顯鳳吳解元鉉各有成就
都勾爲公戍所勾守段孟賢葦鶴樓張公讀書樓以
居公朝夕課諸生暇則尋龍山盤谷諸勝蹟幾忘其

爲萬里戍客也一夕江夫人釀酒盡赤夫人曰吾鄉
謂釀赤爲紅娘子主大吉利事然亦有此語吾夫婦
可幸生還也未幾果有給事之召公去勾十五年門
人思之卽其講學處建南皋書院祠之至今俎豆不
衰

春日赴白鷺洲

春水引行舟桃花夾岸流沙明栖一鷺雨過語雙鳩濁酒澆
孤興青山笑晚愁萋萋芳草綠無語對江洲

余繼登二首

繼登字世用交河人萬厯丁丑進士改庶吉士授檢
討進修撰厯中允少詹事掌翰林院事進禮部侍郎
擢本部尙書贈太子少保諡文恪有淡然軒集八卷

四庫總目繼登詩文平正清實無萬厯中佻薄之習

田按萬厯二十二年帝從禮部尙書陳于陞言勅修

本朝正史遂命于陸及尚書沈一貫少詹事馮琦及
世用為副總裁而閣臣總裁之世用疏言纂修帝紀
有不可不自為一紀者建文君是已有可不為一
紀者恭穆獻皇帝是已世隱其論惜于陸尋卒史亦
竟罷世用文章樸直切於時用奏疏尤其所長世用
淡然軒集馬用韞序而刻之稱其文如孤峯斷崖居
然干仞又如玄珠璞玉不假雕飾而磊落道上之氣
時溢毫楮詩亦時有合作

送張端叔大參之大梁

河橋三月暮春色曉氣氲黃鳥方求友青樽卻送君
魂銷燕市酒心折太行雲兄弟飄零甚天涯忍更分

宮怨

屏帷同月夜窗幽坐對星河黯自愁獨有齊紈伴
寂寞涼風又到殿西頭

馮夢禎 三首

夢禎字開之秀水人萬歷丁丑進士改庶吉士除編
修以事謫官量移南國子司業歷右庶子拜南國子
祭酒有快雪堂集六十四卷

列朝詩集開之詩文疏朗通脫不以刻鏤求工
楊李詩繫開之登臨古什追蹤陶謝律絕雖多艷體
亦有生香真色之妙
靜志居詩話公儒雅風流名高三席歸田之後間娛
情聲伎爭歌酒譙望者目為神仙中人詩亦不蹈時
習五古能盤硬語尤見意匠經營同譜若沈君典屠
緯其皆不及也

廿五日曉泛山行歷龍井諸處還孤山湖

清旦踐夙期泛舟益新侶和風沁肌骨初旭媚空水水窮山
色親徑曲樹容美龍泓晝常陰竹閣晴疑雨返策循廣隄沿
流越孤嶼落日纈通川紅芳爍羅綺青帝無回驪春物甯淹

晷濃淡準疇昔羽停情靡止

餘不溪聽夜雨

尋山洽在農枕流眷茲宵夢斷顙如引情積聲靡遙簟虛愜
微涼波響滌餘暑寤寐咸有契甯得滯流潮

大婚禮成紀

遙望長秋屬帝宮天門瑞氣鬱葱葱金輿日麗趨中使絳節
雲開引上公彩鳳齊鳴三殿曉天桃並發萬年紅甯論漢代
昭陽寵還嗣周南窈窕風

顧紹芳 一首

紹芳字賓甫太倉州人萬歷丁丑進士改庶吉士除
檢討遷贊善有寶菴集八卷

省中觀芍藥

芍藥天邊種當階裊數枝
宮雲依檻溼蜀錦帶煙披
態爲東風弱香從湛露滋
花中誰更豔春後肯言遲
伴日臨仙液含情媚鳳池
恩闌寄情賞爾亦倍恩私

姜士昌

二首

士昌字仲文丹陽人尙書寶子萬歷丁丑進士除戶部主事歷員外郎中出爲陝西副使進江西叅政以言事鐫三秩爲廣西僉事再謫興安典史天啟初贈太常少卿有雪柏堂稿

金山寺

煙雨片帆收閒尋物外遊
鳥歸吳苑樹僧下廣陵舟
海近寒

潮壯天空木葉秋江流足禪意對此共悠悠

謁延陵季子祠

末路誰堪問維舟獨謁君空山響流水古渡駐寒雲醺酒酬
高誼捫碑惜斷文遺風如未遠吾輩挹清芬

張維新

四首

維新字憲周汝州人萬歷丁丑進士除冠縣知縣擢
兵科給事中改禮科出爲湖廣參議改山東歷山東
天津陝西副使陝西參政按察使進布政使有餘清
樓稿二十五卷

田按憲周不以詩名而首節殊覺爽亮

得方職方書

故人羈長安悵望何時遇
錦字鳥銜來金臺夢飛去
風高碣石館月白津門渡
置書懷袖間三復披情素

夷門懷古

朝登大梁城暮出夷門道
四野起悽風令人愴懷抱
汴水東流西日傾魏家宮殿
夕煙平殘碑剝落古苔字
行人猶識侯生名已矣侯生
及朱亥鼓刀意氣今安在
松楸荒塚狐兔穿禾黍空原
市朝改陳迹荒涼起暮哀
信陵旌蓋俱塵埃山色不知
公子去柝聲猶似抱關來
倚劍行行發長嘯世代興亡
那可料節俠豪華奚重論
月光還向夷門照夷門道
動悲歌古人慷慨今如何
夜深繫馬垂楊下無奈霜
天白雁多

南安春日思歸

嘉峪漢封尾河州天盡頭山通去國路雲礙望鄉樓雄劍衝
星起悲笳落日愁羈心與奔浪夜夜向東流

崆峒山

曾按圖經戴斗匡廣成官殿自軒皇襄城七聖迷來往少室
三花入混茫丹鼎依稀仙犬護蒼山縹緲紫鸞翔我來問道
千年後雲鎖高臺迹半荒

徐桂一首

桂字茂吳長洲人居餘杭萬厯丁丑進士除袁州推

官有大滌山人集

列朝詩集茂吳爲袁州推官恃才自放坐計吏斥免
四明屠長卿秀水馮開之與茂吳同榜皆失官家居
扁舟白袷往來吳越間長卿負才敏捷又手擊鉢時
人皆避之獨茂吳與之抗行尤多詠物艷體之詩

留連唱酬至數十百篇

飛絮篇

江城三月豔陽時楊花如絮飛參差悠悠宛轉知誰繫歷亂
輕盈不自持可憐朝散銅池裏可憐暮落草臺市閒逐遊絲
去復來細縈花片低復起灞橋紫馬及芳辰白門藏烏過上
春吹入粧樓全誤粉飄將舞席半成塵仁高隨鳥沒遙空漸
卑趁燕適簾櫳花飛猗靡如迴雪質輕流便不因風因風迴
雪何綽約偏從芳甸穿香閣東舍王昌暫寄蹤西鄰宋玉聊
棲託跡方蕩子少甯居命憐賤妾多輕薄其奈蕭疎欲盡春
已覺繁華不如昨條風布煖水流漸池邊林畔始垂絲小小
葉間分翠黛盈盈樹下闌腰肢而今棄擲將何道而今轉薄

同秋槁華條倚樹重留連行樂韶年苦不早淒淒草徑總鋪
蘇茫茫榆塞詎成綿旦辭芳樹猶依樹夕化浮萍已逝川子
規聲裏千花歇搖蕩春光劇可憐

楊起元一首

起元字貞復歸善人萬歷丁丑進士改庶吉士授編
修歷修撰司業洗馬乞歸起祭酒未任擢南禮部侍
郎就改吏部天啟初追諡文懿有文懿集十二卷續
刻家藏集八卷

擬陶徵君飲酒

仲淹生隋世麟出非其時上策不見收由然與世辭講學河
汾間斯文其在茲知命故不愛盡性吾何疑大哉中說書周

公豈我欺詆譏傷予心願從子所之

趙崇善一首

崇善字伯堅蘭谿人萬歷丁丑進士除婺源知縣擢御史歷太常少卿

善六湛上人還括蒼

名僧有湛公來自括蒼東趺坐揮塵談淨理天花亂落天池
中今朝復往括蒼去山鳥山雲留不住送君澱江江水平好
山兩岸片帆輕何時再過棲真地中夜虛堂對月明

張文耀一首

文耀字芝陽沅陵人萬歷丁丑進士除銅梁知縣改
巴縣徵授御史出爲雲南副使歷四川參政就遷布

政使有二酉洞草

夏日同客集北郊崇興禪閣

青山曲曲抱孤城山外晴風倚檻生別後風塵堪一笑重來
邱壑倍多情天連遠水浮雲盡寺擁長林落照明我自十年
稱吏隱對君何惜放歌聲

朱維京

二首

維京字可大萬安人尙書衡子萬歷丁丑進士除崇
德知縣遷大理寺評事歷汝州判官進光祿寺丞有
訥齋集

詩數可大詩高華雄邁

度飛虹橋

天影遙涵一水長，清波深處石爲梁。
平鋪碧甃連馳道，倒瀉銀河入苑牆。
晴綠乍添垂柳色，春流時泛落花香。
微茫迥隔蓬萊界，不放飛塵到建章。

圓通寺對月

萬丈芙蓉接玉樓，孤峯遙挾兩湖流。
漢王坡上青天月，時見仙人控鶴遊。

沈九疇一首

九疇字箕仲，鄞人。萬歷丁丑進士，授刑部主事，歷郎中，出爲江西副使，遷四川參政，改江西山東，累遷江西布政使，有曲轅居集。

田按箕仲詩是豐對樓一派，當與孫月峯輯今文選月峯任文箕仲任詩其論身洲詩苦無完壁未免螳

月
磨當車之誦

探丸

早時走馬夜探丸
新血模糊著錦鞍
背地殺人酬郭解
當場說劍笑燕丹

傅光宅

七首

光宅字伯俊
聊城人
萬厯丁丑進士
歷監察御史工部郎中
出爲重慶知府
改遵義
再遷四川副使

謝在杭小意齋集伯俊詩出於性情而不出於豪舉求之醞釀而不求之纖穠

田按播州改土歸流後伯俊知遵義府安輯流亡厥功爲多五言蘊藉取法唐人

舟中待友人

煙樹淡微月
水風生夜涼
扁舟垂楊岸
葭菼何尊尊
酒欲

斟酌孤琴待清張佇立望美人露下沾衣裳

發湘陰

春曉發湘陰山行思轉深花含昨日雨鳥作故鄉音樵子下
松徑田家依竹林平生愛隱逸白首違初心

留別狄明叔汶陽別業

來此便難去況茲遠別離晴雲落曲檻春鳥鳴深枝暫醉月
明夜相思花好時誰能當晚歲千里負心期

春日花下有感

江月江煙望白明春風春雨自黃昏年年楊柳無消息夜夜
梨花有夢魂蘇小香車松下路莫愁芳樹水邊村緘情欲寄
雙飛燕腸斷迴文是淚痕

吳門別屠長卿

扁舟歸自越江濱
客路逢君酒一尊
白雪歌成堪墮淚
青山何處不銷魂
城邊宿莽生寒燒
沙上殘潮落凍痕
無那風塵牽別思
依依還向醉中論

宿湯泉公館卻憶江南

高館臨空山山空深
幾許時聞泉上聲
誤作江南雨

感舊

花下門仍在
尊前歌已休
惟餘舊時月
還上水邊樓

陳泰來一首

泰來字伯符平湖人
萬厯丁丑進士除順天府學教
授遷國子博士改禮部主事
進員外謫饒平典史泰

昌卽昨贈光祿少卿有員嶠集

靜志居詩話員嶠年十八舉于鄉十九釋褐歸娶賜
內府金花燈籠知平湖事劉抑亭贈以對聯云秋進
士聯春進士大登科後小登科鄉里榮之公以氣節
自許居太學忤江陵因三王並封面質太倉於朝房
又疏請建儲既因計典救孫繼謫饒平典史陞辭就
道賦詩有直道不緣三黜改孤忠或受九重知卒年
三十有六耳謫歸日夢至一山羣仙咸集賦詩云涼
風拂拂白雲收宦海年年幾日休翦紙作驢輕撥刺
桃花洞口笑淹留相與樂甚旁一仙云汝乾陵子也
後一年當再會於此覺而以乾陵子自號踰年而沒

塞曲

黃雲四合角聲哀環甲先登烽火臺十道控弦齊落馬幕中
賓客上功來

沈自邠 一首

自邠字茂仁秀水人萬歷丁丑進士改庶吉士授檢

討進修撰有修撰集

本覺寺三過堂

遵塗出枉渚弭棹攀叢林石幢委陳莽殿壁生幽陰昔賢此
流憩登堂復沈吟往代蹟如埽名留感彌深悠悠東逝波閱
世成古今前賢既已爾何用役吾心

張敬一首

敬字爾和潞川人萬歷丁丑進士除中書舍人遷禮

部主事有儀部集

靜志居詩話爾和不以詩名聲律未能悉諧然頗有
生趣如雲花侵斷壁木葉響空廊鷺下啄寒葦後垂
點古藤故人滄海隔歸夢白雲深亦自梳暢

寄懷李子亮昔同別業三峯

背郭草堂靜溪邊生事幽松聲響靈籟人語亂寒流貧病惟
書帙滄浪此釣鉤鄰翁勞慰問把酒話綢繆

陸可教二首

可教字敬承蘭谿人萬歷丁丑進士改庶吉士授編
修累遷南禮部侍郎贈尚書有葵日集

金華詩錄葵日詩秀色清韻媚媚自好

桃花峪

行行指青冥路入桃花峪夕陽寫山影蒼翠如可掬初聞流
水駛漸見澄潭綠苔髮淨可梳石子明如玉百尺清見底澄
泓瑩心目隔林聞犬吠擬就桃源宿

湖上

攜筇出深竹湖光已皎皎四望煙霧開空明盪清曉千峯雲
外高孤嶼望中小園林旣蒨鬱樓觀亦縹緲湖光本無受物
象何了了余心忽有會頓絕名言表

萬象齋

一首

象春字仁甫無錫人萬歷丁丑進士選庶吉士改工
科給事中遷禮科都給事中出爲山東參政歷山西
市政使以右副都御史巡撫山東引疾歸起南工部
侍郎未上卒贈右都御史

王羽士水樓

水閣夜無暑談元心自閒烹茶供野客習靜閉柴關花豔池
中月煙迷湖上山本來忘世味坐久不知還

李玄齡 一首

玄齡字仁卿華陽人萬厯丁丑進士累官山西副使

平陽城西樓

華霍高城外平陽輦路存山川燕北里城關晉東門尙想懷
陵操重觀擊壤村漫嗟今古興譙鼓聞朝昏

甘雨 一首

雨字子開永新人萬厯丁丑進士選庶吉士厯南兵
部員外禮部郎中出爲廣西僉事改貴州遷福建副
使湖廣參政有翠竹青蓮二集

春日摩訶菴

淨土榜摩訶羣公選勝過春風開佚蕩佳日此婆娑地僻疑

韋杜人今似永和野花如有意片片點藤蘿

馮大受 一首

大受字咸甫松江華亭人萬厯己卯舉人除陽山知

縣有竹素園集

弇州山人續稿咸甫詩和平能酌於深淺濃淡之間高不至浮卑不至弱

送徐光祿奉使還朝

玉冊臨江右星槎下帝京桐珪周典禮帶礪漢宗盟內署才
名重中朝使節榮觀風塵有得早晚達承明

明詩紀事

貴陽陳 田輯

庚籤

蕭良有

二首

良有字以占漢陽人萬厯庚辰第二人及第授編修
厯中允遷國子祭酒有玉堂遺稿

大閱應制

國運千年泰皇威九伐張中春稽令典吉日簡戎行蓋道雲
霞繞旌門日月光前麾過細柳後隊出長楊遊騎諸陵俠材
官六郡良金戈開霽色寶劍動星芒躍馬還超乘穿楊獨擅
場無譁軍禮肅有備廟謨長會洛遵前古誇胡恥後王屈人

還不戰萬載奉明昌

江行

江水悠悠江路長孤鴻唳月有微霜十年蹤迹渾無定莫更逢人問故鄉

顧憲成一首

憲成字叔時無錫人萬歷庚辰進士除戶部主事改吏部謫桂陽州判官遷處州推官改泉州糧吏部主事憲員外郎中以忤帝意削籍歸起南光祿少卿不就天啟初贈太常卿以閹黨追論削奪崇禎初贈吏部侍郎諡端文有涇皋藏稿二十卷

田按端文與高忠憲講學東林海內推爲山斗公嘗自言官輦轂志不在君父官封疆志不在民生居水

邊林下志不在世道君子無取焉與惟撫李三才交
善三才爲忌者所論公居林下貽書葉福清孫太宰
爲延譽時以出位責之三才有雄畧公之延譽自爲
世道計厥後論三才者多附聞黨麗名逆案一薰一
蕕始有定論云

送虹賓

不盡臨歧意依依立馬看一經登第早三尺事人難月到河
陽滿天連函谷寬之官有嘉譽倏爾遍長安

鍾羽正二首

羽正字淑濂益都人萬厯庚辰進士除滑縣知縣徵
授禮科給事中改工科遷吏科都給事中以言事斥
爲民光宗卽祚起太僕少卿進本寺卿厯右僉都御
史左副都御史遷戶部侍郎拜工部尙書贈太子太

月金卷一
二
保有崇雅堂集十五卷

四庫總目羽正清介耿直爲時所重故集中奏疏多切
中時弊詩多感激時事之作氣體尙道

註籍京邸

長夏何似鬱關門自掩扇雲來小閣暝雨歇遠山青謝客緣
多病憂時愧獨醒匣琴還自理苦調若爲聽

南行

南經沂沐道極目總荒榛疲馬緣山徑孤鴻下水濱石田千
里瘠茅屋數家貧野叟時相語年饑一愴神

陳尙象
一首

尙象字心易都勻衛人萬歷庚辰進士授中書舍人
遷戶科給事中改刑科吏科以請元子豫教斥爲民

天啟初贈光祿少卿有集

田按心易借李獻可等疏請元子豫教帝怒獻可貶秩調外心易等奪俸半歲心易復抗疏爭帝益怒斥爲民鄒忠介之謫成都勻也心易及門請業爲名弟子心易卒忠介誌其墓序其疏草人謂不愧師門云

便河詩

并序

雲故有便河實始於正德間兵憲李公麟歲久迹涸鞠爲蔬圃今憲使袁公甫下車譚及便河慨然曰茲綢繆之至計也可廢不舉乎捐俸斥鍰計徒採石自小河口築長隄若干丈引水灌於故道歷兩西門而南與東山左掖諸水會流以達於龍潭民不告勞瘁工不易歲時而長河如練與金城相表裏真可謂賢勝兵十萬矣余聞父老言建城之初高皇命有司繪

圖以進恐諸苗憑高俯窺遂以御筆指點於東山之巔嗣是雖間有憑陵絕無敢從東門入者獨西北地形稍下故遠如正統之變圍城至十閱月近如壬癸之際軍民士大夫咸不得帖枕席茲河所係良非尠矣雲僻在一隅無他擾獨其害在苗耳公修永賴之利於百年廢壞之餘功德吾雲者詎有涯哉余烏得無紀乃爲詩曰

高城蕩蕩跨於東山高廟所經旣雄旣堅西北迤邐漫無坡陀以帶以礪實爲便河上醴江流達於龍潭金隄屹屹而北而南便河未開土不帖枕便河旣開賊至安寢維襄憲使紹蹟李公徹彼舊湮以護崇墉役不瘁民成不易歲我爲銘詩

以詔後世

章嘉楨 一首

嘉楨字元禮德清人萬厯庚辰進士除當塗知縣累

官大理寺丞有姑孰集南征集中林草

姚旅露書章元禮送余餘不溪上作詩贈別中有白鷺一行曉青山相向春句初是曉鷺一行白青山相向青一側便覺老練有趣

秋日田家樂

東園瓜比舊年稀西沚菰饒今歲肥桑葉未枯楓葉赤入城
先買木棉歸

龍膺 五首

膺字君善一字君御武陵人萬厯庚辰進士除徽州

推官謫温州教授歷國子博士遷禮部主事復謫兩
淮鹽運判官遷鞏昌通判歷同知遷南戶部員外歷
郎中出爲山西僉事歷陝西參政拜南太常卿有九

芝集選十二卷

太面集君御詩鍛鍊精嚴
楚風補太常清廉放達才名冠一時

田按君御官徽州時入汪司馬猷中社由司馬以交
王元美元美贈詩云不嫌詩社累仍傍酒人過蓋君
御是時以詩酒挂吏議也晚與袁中郎善其詩不與
袁近才氣橫溢長篇不免拉雜頗近屠綽真一派

登南山過李白訪許仙故址

策杖南山嶺天風吹我襟
巖穴結茅屋落木悲蕭森
上有丹液池纖鱗時淨沈
云是許仙居好道隱嶽岑
供奉探靈異擔簦眷幽尋
振袖拂赤霞攀柯嚙碧潺
俯仰山水間悠悠良賞

音陵谷已代變先民予所欽詎能旦暮遇爲我豁蓬心

宿廢邑端氏古剎偶書

役役疲遠征白日沙礫晦石樓鬱嶺岼沁流浩奔滙遺墟問
晉封荒郭朔漢代名猶端氏存邑已先朝廢依稀聞絃歌颯
沓聆梵籟寶相瞻摩尼法座湮蓬塊方丈閉儲胥山僧習耕
耒古德有慈明宗門著風概曾遊澤潞間竄名渾火隊露宿
造汾陽卒嗣昭公派往來楊李間宋楊大年李都尉把手遊方外西
河獅子兒須彌納纖芥元風邈不揚安復望若輩俯仰千古
人誰能契無礙那得慈明流與之談三昧

燈夕後晉邸以詩見懷次元韻應教

珪錫唐封地書傳晉世家淮王招桂樹楚客頌椒花寶翰標

黃絹珠而擁絳紗向來勞設醴密坐瀉流霞

得袁中郎小修洛下書并出塞詩用韻和答

雙袖朝飛石浦雲蘭林芳閣思氤氳
一來一水桃根楫注就
三車貝葉文齋謝太常終俟佛
暑輸充國老從軍雅歌濁酒
渾無事朗月澄江獨憶君

寄楊修齡侍御按黔中

關河秋色片鴻翔萬里音塵間渭陽繡斧遠馳天
子使檄書
先斬夜郎王豪箋雙絕成遊獻俎豆三賢借表章
寄諸花谿
耆舊社一尊煙月待漁航
修齡爲先祖太渠公及蔣道林文
橋進兩先生建三賢祠於黔省以
三賢皆黔省名宦又皆吾里人也

史旌賢 一首

旌賢字廷徵大理雲南縣人萬厯庚辰進士除內江
知縣徵授御史累官副史

偶成

吳門市卒安在楚狂先生何之閉關厭聞新論中酒且刪舊
詩

黃克纘 一首

克纘字紹夫晉江人萬厯庚辰進士除壽州知州入
爲刑部員外郎累遷山東布政使以右副都御史巡
撫山東累功加兵部尙書參贊南京機務召理京營
戎政改刑部加太子太保復改兵部加太子太傅移
疾歸起工部尙書加太子太師乞歸起南吏部尙書

不就有乘槎稿

田按尚書立朝好持異議與清流爲難故三朝要典極詳之雖晚以忤閑去不能蓋前愆也

黃田驛次胡二溪先生韻

古驛清溪上空階草色侵愁開寒雨滴坐久白雲深
短缺中原志清尊五岳心酬知懷國士搔首愧華簪

許弘綱一首

弘綱字張之東陽人萬歷庚辰進士除績溪知縣改
金壇入爲給事中轉兵科都給事中歷左通政順天
府尹累遷南兵部尚書贈太子少保有羣玉山房集
山房卽事

天私一壑老臣閒溪上柴門白晝關僧磬有時來竹裏酒船

無日不花間開籠夜放林公鶴挂笏朝看謝朓山澤畔主恩
原不淺行吟何事損朱顏

柳希點 一首

希點字汝志蘭谿人萬厯庚辰進士除贛州推官入
爲工部主事厯郎中出爲松江知府改南雄遷徽甯
副使有桃源里草

方正學先生以忠孝流芳題額追贈先祖瞻仰生哀感
而有作

先生秉忠孝厄會丁其時慟哭對新朝臣志日星垂一死不

求名寂寞葬江湄大書補史闕生氣猶淋漓

先祖諱敘景定甲子由冑監以

賢良方正仕蘭谿尉因家於蘭谿之城西祥興己卯宋亡大
慟絕粒五日而卒遺命槨葬中野不封不樹吳正傳爲作墓

鄒觀光 一首

觀光字孚如雲夢人萬厯庚辰進士除吏部主事乞
歸起南兵部郎中擢太僕少卿有孚如集
蒼霞草孚如古詩深沈近體流麗

卜居東隅

倦仍投筆去閒卽載書來已近黃花節能無竹葉杯江山千
古色詞賦一時才試望晴絲捲浮陰爲我開

石崑玉 一首

崑玉字汝重黃梅人萬厯庚辰進士除戶部主事厯
郎中出爲饒州知府改蘇州紹興遷山東副使厯福

建參政以右僉都御史巡撫大同有齡山堂蘇州石居士等集

悼亡

自結絲蘿日遂成連理枝一生貧病侶半世影形隨落葉敲窗夜殘燈倦枕時不知人去遠猶作在堂疑

余寅一首

寅字君房一字僧臬鄞人萬厯庚辰進士除工部主事遷禮部員外歷郎中出爲陝西副使遷山東參政入爲太常少卿有農丈人集二十八卷

兩上耆舊集農丈人詩癯而堅質而峭介然之色絕似其入

雨後灘行

雲帆未可賒雨外更天涯
日日懸巖鳥山山蹢躅花
松根輕牒子溪水野人家
見說灘頭濁朝來幾尺沙

邢雲路

四首

雲路字士登安肅人萬厯庚辰進士除繁峙知縣改
汲縣再改臨汾徵授兵部主事厯員外出爲河南僉
事厯參議副使按察使有澤宇先生集十卷

過故關懷友

行矣日云暮馳驅過故關
鄉心隨落雁客淚墮寒山
世態黃金盡交情白首難
有懷卻遠道愁絕水潺湲

井涇過王廣文

天涯逢故友相對轉凄然
薄宦同爲客浮生各問年
琴尊開

絳帳詩句冷青瑣去佳憐今夕燒燈又別筵

悲秋

青山堪伏枕羈客亦悲秋何處孤鴻唳銷魂明月樓

贈歌者賈遷

一曲高歌酒一卮聲聲哀咽竹枝詞登高送遠欲歸去滿眼

雲山好贈誰

楊于庭

一首

于庭字道行全椒人萬厯庚辰進士除濮州知州徵授戶部員外遷兵部郎中有楊道行集十七卷

四庫總目道行五言古詩時露情挺

對月懷余宗漢

愁緒亂如絲思君對月時自知無住著不復惡睽離魄落仍
呼酒神來但賦詩八壺山色好頭白是歸期

臧懋循一首

懋循字晉叔長興人萬厯庚辰進士官南國子博士
有負苞堂詩選九卷

四庫總目懋循詩多綺羅脂粉語

列朝詩集晉叔風流放誕官國子博士每出必以棋
局蹴毬繫於車後又與所歡小史衣紅衣並馬出鳳
臺門中白簡罷官時南海唐伯元上書議文廟從祀
恭進石經太學與晉叔偕貶同日出關湯若士詩云
卻笑唐生同日貶一時臧穀竟何云藝林至今以爲
笑談
靜志居詩話晉叔精曲律持論斷斷不爽詩亦不墮
七子之習故雖從元美讌遊不入四十子之日亦磊
落之士也
田按晉叔官南都時入曹石倉詩社詩雖綺靡亦有
清致

集沈氏水亭餞送曹能始北上

相送江亭暮，尊空客漸稀。楊花不解別，到處逐君飛。

林廷陞 一首

廷陞字彥賓莆田人萬厯庚辰進士累官廣西副使
送黃全之遊粵

迢遞南州地，掉頭賦遠遊。溟南長欲雨，海國易生秋。樹遠浮
空出，江寒背郭流。異鄉殊節候，慎勿久淹留。

車大任 一首

大任字子仁邵陽人萬厯庚辰進士除南豐知縣謫
平谷尉遷遵化知縣入爲南評事厯禮部郎中出爲
福州知府改嘉興遷浙江副使進參政有囊螢閣正

續集四十卷

靜志居詩話于仁詩頗閒放無局促態
沅湘耆舊集邵陽車氏以文學世其家幾於人人有
集皆自子仁發之

過秋田訪胡先生墓

行行邵陵西秋田君故里墓碣久淒涼花竹空如綺懷古亦
何心踟躕獨不已詩魂千載存云我誰何氏

同宋明麓甘昆原曹南麓唐元宇高吉軒登雙清亭

白蘋涼露楚江東臨水看山巾舄同雙棹正逢溪水合百錢
何惜杖頭空秋生花樹歲幾後人在樓臺曉靄中明日分攜
南北去不知何處聽征鴻

王庭謨 一首

庭選字敬卿華州人萬厯庚辰進士選庶吉士授編修遷修撰有松門臺八卷

馮琦宗伯集敬卿詩有沈鷺邁往之氣

恭侍經筵有述

鳳輦初迴仙路平虎闈朝啟曙華生
瑤編風度芸香細黼座煙浮玉几橫
繚繞星文環北極殷勤天語下西清
愚臣經術慚無補何幸年年侍聖明

張萱
二首

萱字孟奇博羅人萬厯壬午舉人授殿閣中書歷戶部郎中有西園存稿

畫史會要孟奇雖不以繪事名家偶一爲之頗饒別趣

靜志居詩話孟奇熟於典故周見洽聞著書頗多其在西清重編文淵閣書目具載卷帙補前人之闕漏惜乎香廚所存已失其什九矣

弩臺

遺鏃聞耕叟登臺傷客心
初煙扶岸上片雨隔溪深
往事隨芳草秋風生遠林
南朝一溝水鳴咽到如今

九日平原舟中

秋色曰云暮客行猶未休
微霜渡遠水寒雨逗歸舟
九日殊方節千山落木愁
不知三逕菊開徧幾叢秋

何三畏一首

三畏字士抑松江華亭人
萬厯壬午舉人授紹興推官
有漱六齋集四十八卷

送康季修南遊

任俠康公子，丰標衛叔流。才名高入洛，詞賦重登樓。結客千金散，探奇五嶽遊。長干多北里，風月莫淹留。

明詩紀事

貴陽陳田輯

庚籤

朱國祚一首

國祚字兆隆秀水人萬歷癸未第一人及第授修撰
歷洗馬諭德庶子擢禮部侍郎改吏部引疾歸起南
禮部尙書召入東閣參預機務加太子太保進文淵
閣大學士改戶部進武英殿大學士加少傅贈太傅
謚文恪有介石齋集二十卷

朱彝尊明詩綜曹潔躬云文恪詩婉秀軒軒震舉一
無俗塵朱明詣云文恪詩如冰荷在壑冷香襲人俞
右吉云太傅詩自抒性情不事沿襲諸體俱合不失
正始之音

田按文格詩清挺介石齋集不傳賴文孫彞尊輯詩
綜所錄甚夥猶得觀其大畧

摩訶菴觀杏花作

摩訶菴外袖吟鞭繁杏春開十里田曾與村翁舊相識看花

不費酒家錢

明詩綜吳巨平云元時杏花齊化門外最繁東岳廟
石臺羣公賦詩張燕傳爲盛事葛邏易之詩云上東
門外杏花開千樹紅雲遶石臺最憶奎章虞閣老白
頭騎馬看花來至明城東花事衰郊西漸盛萬歷後
摩訶菴杏花多至千株吾鄉朱太傅養浩詩云云承
平之日翰苑風流後先一致也

李廷機一首

廷機字爾張晉江人萬歷癸未第二人及第授編修
累遷祭酒進南吏部侍郎改北遷吏部尙書兼東閣
大學士參預機務加太子太保贈少保諡文節有集

十八卷

頒歷恭紀

當陽瞻聖主布朔御明堂帝德三台耀皇風八表翔
葭灰隨律動賁焚應時昌歷協軒轅紀恩頒鸞鷟行
紫函浮瑞彩黃道燭榮光共道璿璣正還看寶籙長

劉應秋一首

應秋字士和吉水人萬歷癸未第二人及第授編修
遷南國子司業召爲中允歷洗馬諭德庶子遷國子
祭酒贈禮部侍郎諡文節有司成集
存真集司成劉公詩文雍雍舒徐出入韓歐間

題張洪陽閒雲館

心遠喧常靜身閒道自夷因兼大小隱閒誦去來詞書案風
開帙花闌雨濯枝浮雲同此意行住本無期

葉向高

五首

向高字進卿福清人萬歷癸未進士選庶吉士授編
修遷南國子司業就遷中允歷諭德庶子充皇長子
侍班官擢南禮部侍郎就改吏部召拜禮部尙書兼
東閣大學士加太子太保進文淵閣大學士加少保
改戶部進武英殿大學士加少傅兼太子太師崇禎初贈
部進建極殿大學士加少師兼太子太師崇禎初贈
太師諡文忠有蒼霞草續草餘草二十卷紀遊小草

八卷

姚希孟松樹集李長沙相業人多疵之乃其處事
敏又有憐才之心於逆瑾時多保全善類近日福清
公廩近之福清詩文亦庶幾步武長沙但長沙能推
敲以就模範而福清多出之率易則後先人之不相

及也

列朝詩集公爲人跡通明敏小心恭順受神廟特眷
當宮府睽隔黨論紛呶之日以調停劑和爲能事應
機圓而見事捷不動聲色使人主信而從之再起則
楮人爲政羣小關通能以智免善其進退公去而國
事益不可爲矣公與江夏郭美命同館以文章互相
推許皆有集行世公詩文信筆輪寫長於厭酬流俗
而美命泊莽自運敢於評量古人截長補短則亦曾
衡之政也

靜志居詩話東林諸子奉福清爲倫魁沙汰江河和
調水火海內服其公忠歸田之日蘊藉風流銜左相
之寵尊賂東山之棋墅詩品在山林臺閣之間諸體
皆具

東南嶠外詩話文忠有次許中丞澄瀾閣覽勝韻云
澄瀾高閣枉嚴旌爲愛波光四面平桑柘幾家湖上
社芙蓉十里水邊城龍臺煙鎖餘荒壘鯨海秋高罷
戍兵尊俎折衝多賸暇登樓又見賦先成近黃莘田
先生取此詩三四句書爲楹帖懸之開化寺宛在堂

前十四字遂胎炙人口
田按萬歷中葉以後主荒於上政渎於下雖有善者
無如之何文忠委曲效忠力窮補救時有舉江陵勦
績爲當時對症藥者文忠曰令江陵在凜凜救過不
暇何勦績之有然萬歷末年樞輔實無江陵才不得
以此謝責及再入閣閣人專柄得免於禍斯爲智矣
文忠詩和雅有節可與東阿子文定抗行

題方正學先生祠堂

燕歌一夜滿都城大內梁恩火徹明無復看書延侍講仍傳
天語勞先生兩朝事往君恩在十族煙銷詔草成爲問精靈
何處是雨花臺畔子規聲

歌風臺

泗水亭邊御輦過只今人說漢山河風雲自護興王地父老
爭傳擊筑歌酒散夕陽宮樹冷臺臨春岸野花多最憐楚舞

情愁絕遺恨千秋尙不磨

林宗伯見示春曹卽事依韻奉答

綸扉重入幾星霜此地相傳有病坊

唐人以秘書監爲宰相病坊又宋人嘲王隨云

誰說調元地

中使頻來催擬旨門官隨到報升堂虛言政事

歸三府但見文書列兩房

內閣有制敕誥敕兩房

畫漏已沈初下直看

移日影下宮牆

莫愁湖

十里平湖帶畫橋當年歌舞惜妖嬌空餘菱鏡明秋水無復
蘭舟盪晚潮隔岸遠山分翠黛繞隄垂柳學纖腰風流未覺
穠華歇一望煙波醉不消

得請述懷

乍違清禁不勝情老去依依戀聖明
囊侈黃金重拜賜身歸白社再尋盟
休官妻子頻頻勸入里兒童款款迎
此日都城供帳在相看已少舊公卿

于若瀛十四首

若瀛字文若濟甯衛人萬曆癸未進士
除兵部主事歷郎中出爲河南僉事
歷南尚寶少卿就遷通政參議
召拜太僕少卿以右僉都御史巡撫陝西
贈右副都御史諡襄敏有鼎齋集二十六卷

焦竑潛園集念東詩不激而高不刻而工
雋永藏於溫醇纖穠寓之雅澹
靜志居詩話念東詩格未超然不肯作
熟語田按文若詩不入當時流派矯健之
篇妙得古人氣格

燕市遨遊追憶宋鵝池

結宇託窮嵐腰鎌入都城未聞巢與由買山始逃名才傑捐
時尙翫世而達生門環七貴轍盤厭五侯鯖傲睨橫今古懶
散廢逢迎浪迹雖易見誰尋理相形

青溪

自昔奮行樂今人亦解遊三山開麗壤六代擅風流滔滔一
灣水銷盡古今愁

秋日登清涼臺

市遠曠佛宇霜林綯如繡孤阜憑風迴突出香臺後危亭冒
其頂面勢巧爲構巖嶂鍾岫近睥睨江光透雄壓日門麗峻
掩金川秀落木響空檐飄嵐潤衣袖薄暮未肯下遠燈亂出

宿

馬對

冬曦澹廣野沙飛昧崇岡匹馬循荒谿冰結川無梁落日阻
三河野老僵路傍問之繫何人皺面髮且黃云是牧馬者十
室九逃亡我茲不及壯頽然不我將君從檀州來不見五馬
房房中日鳴鐘一笑傾千觴渠馬障錦裯而我囊無糧災沴
苦頻仍蔽天來飛蝗偃云鳳凰食詎止瓜瓠傷一日不再饋
芻秣安所望語旣動長悲涕下霑衣裳遑將新出關選騎赴
沙場曉知登馬家頽垣秋草長何日罷防邊歸馬華山陽

宿靈巖寺

地以僧寮勝門兼客騎稀孤燈搖畫壁叢篠發清機谷靜鈴

風逗林寒法雨飛夜深攬衣坐轉覺欲皈依

過法藏寺尋愚上人同詣摩訶菴聽無絃彈琴

斜照下疏林禪關此日尋雲來生點淡僧轉入幽深竹屋出新茗石床響古琴戛然高韻在暝樹起層陰

再過清涼寺

再入清涼寺高臺覽舊都金陵猶王氣石壁自雄圖密樹依城合澄江入雨無六朝人事改瞻眺獨踟躕

夏日村居

雜樹土能秀平曠夏不炎微風時薄砌返照故燠簾草地鋪常坐瓦杯乾目添倦來索枕卧斜月挂纖纖

發靈寶縣

弘水西來曲抱城新秋雨色望偏清馬頭青嶂千尋起樹裏
黃河一片明入部星光催漢使近關人語半秦聲岩龕二華
知何處遙見氤氲紫氣生

宿龍興寺

龍興寺古轍迹稀寺前見山山雲飛獨槐裊裊蔭門靜亂水
潺潺觸石微入室僧定寂清磬盤空鶴來巢夕暉坐深煙歇
萬山暝松火幾家開竹扉

蹇理菴老師再起簡遠總督志喜

上相行邊節鎮雄長城遙控帝城東旌旗曉下三巴水馳馬
驚嘶五國風偏將帳前聞射虎鰲生門下槐雕蟲么麼每欲
酬知己白首籌邊苦未工

長安冬夜詞

自昔岩巖上京朝朝車馬縱橫千山夢越鄉國一枕寒生客
情樓外塞鴻悲切窗前叢篠淒清沈吟永夜不寐濁酒無人
自傾

金陵春絕句

秦淮柳色弱於絲十里煙花澹蕩時明月一灣開水閣何人
吹徹玉參差

華嚴寺

逢僧宛宛著袈裟小閣焚香日易斜寺遠不知春已暮滿山
開遍石楠花

郭正域

一首

正域字美命江夏人萬歷癸未進士改庶吉士授編修歷中允諭德庶子遷南國子祭酒入爲詹事掌翰林院事遷禮部侍郎諡文毅有黃離草十卷

靜志居詩話文毅論樂府云今人全用擬議而無變化令人讀之如挾陳人口中珠殆爲干麟輩發也又言文章不可學一家詩必自三百篇漢魏六朝下至唐人皆在胸中筆底乃稱作家蓋有志而未造其詣者

黃鶴樓

樓閣重重上女牆昔人曾此醉爲鄉煙橫巫峽千山遶雨過
瀟湘一水長依舊空中雲盡白不聞市上鶴曾黃從教玉笛
頻吹徹只恐神仙亦渺茫

殷都一首

都字無美蘇州嘉定人萬歷癸未進士除夷陵知州
入爲兵部員外歷郎中改南刑部有爾雅齋集

唐時升三易集無美詩務爲剗削自成機格譬之沃
釜而炊不因入熱

田按無美列元美四十子之一無美晚達元美詩所
謂跌宕詞翰林進吐色絲異時平津拜不言公車
遲也官職方郎爲石司馬星所阨改南刑部旋罷官
詩有豪氣借集不傳余從岳陽集勝集獲詩一篇亟
登之

登岳陽樓望洞庭君山歌

我聞洞庭八百里日月出沒在其裏登高欲覽值晦冥俯視
一氣如太始何處來罡風吹雲清若空忽驅君山色盡落吾
杯中舉頭望湖波乃覺宇宙真無窮九江孔殷惟禹功不知
巨靈剖判誰爲工近者撼城城欲動遠者黏天天欲通轉輸

銀河潤下土摩盪石鏡窺高穹九州一州大澤一澤何況大
瀛焉知其極我欲因之排闥出飛上君山瞰空碧宿火猶疑
軒鼎溫餘音未必湘絃寂不然酒香應滿山耐何惟令此兒
食黃鶴呼不來綵舟安在哉一輩詎可杭令我徒喪回于嗟
洵美非吾土家有洞庭亦如楚七十二峯點點浮持比君山
或堪伍其下一穴通此湖疇昔曾聞杰公語但舐青泥餒不
愁若拾玄珠幽可睹安得俯身試潺湲靈威丈人導我還未
能便逐羣龍去且自遨遊吳楚間

梅國楨一首

國楨字克生麻城人萬曆癸未進士除固安知縣徵
授御史擢太僕少卿以右僉都御史巡撫大同進兵

部侍郎總督宣大山西軍務贈右都御史

感懷

薄俗不可問吾將還舊廬誰知肝膽在但覺鬢毛疏
野老從爭席王門莫曳裾由來彈鋏意不是歎無魚

朱長春二首

長春字太復烏程人萬歷癸未進士除尉城知縣改

常熟陽信入爲刑部主事削籍爲民有太復文集

靜志居詩話太復頗類孫太初其宰陽信時海濱風
土如海暗雲連舍春寒雨近城沙田惟種黍鹵井不
通泉過雨如霑雪無風自落沙白沙風裏下黃日霧
中生薄祿供糞藥齋廚費水錢頗盡其致他如折藕
露華白采菱秋水香悠然西湖曲坐對南屏山高樹
晨光動空山眾響聞夢花來社燕小雨破春泥落日
餘高柳空江起暮鐘酒船晴盡出餐鼓暝猶聞纜外
春沙沒燈前獨樹斜澹藤緣戶結翠鳥落階飛驛火

依沙出春星傍浦懸孤飛江上鳥半滅雨中山皆秀
句也

歲事歌

除夜春雷隱地起小年歲雪紛未已黃泥乍融不肯凍百草
作芽青欲死草死不愁愁麥黃冬煖根薄恐易傷眼前米市
忽騰糶人間那得陳干倉城頭烏鵲無數叫父老對之愁斷
腸

春晚歸雲菴留題

細草迷巖路平田帶寺門春風遊客少宿鳥見人喧山翠當
虛坐花紅落小軒清幽愜所好況對道林言

趙世顯一首

世顯字仁甫閩人萬歷癸未進士除池州推官有山

居闕下入蜀諸集

送林太學

離筵開野岸芳草滿汀洲把袂此中別揮鞭何處遊鶯嬌吳苑樹花暗越江樓莫謂春方好相思易及秋

虞清熙一首

清熙字長孺錢塘人萬歷癸未進士授兵部主事遷

吏部員外有瑄務山館文集二十五卷詩集八卷

東林雜俎錢塘邵山人虎菴善吟繪讀書山中自隱操郡丞新建喻楓谷均欲見之不得怒奪其山虞清熙詩老作間民不負租石濠石澗路應迂叩門雙騎傳呼急一片紅塵山已無按楓谷擷聲藝苑傾慕縉衣而事同伐木所以盤坏踰垣之寥寥也列朝詩集長編賦才奇諱搜抉奇字辭句務不經人弋獲以為絕出於時賢煩心折湯若士屠長卿自詭以昇元勝之雖未免牛鬼蛇神之誚可謂經奇者也

田按萬曆中葉以後詩道岐出長孺學仙學佛既無
升天之質又無廣長之舌二氏語言一經運用便成
幾微斯又公安竟陵所不為者也

傲游仙詩呈心渠上人

仙家誰掌白榆城除目新看第一名為遣玉鸞三十二衙
先報紫衣卿

張壽朋

四首

壽朋字冲齋南城人萬曆癸未進士除刑部主事謫
泰安同知遷廬州通判有深恩齋集

田按冲齋詩有通脫之致

泗水亭

亭長未為薄王侯安足多眼前秦吏卒身後漢山河苦畏韓

彭在聊將父老歌
達人一長嘯不醉欲如何

入山

從天分紫府有地似元都
白髮餘生好紅塵一事無
松筠何代種猿鶴聽人呼
竟日長端坐冰心映玉壺

書門

多情纏葛藤一奮見鵬鵬
緩頰人相賤低眉我不能
無書干顯者有髮似高僧
莫作寒蟬笑千秋劉季陵

自遣

人從山徑斷正喜草蕭蕭
煙景春三月鐘聲寺六朝
書多非佛老夢只到漁樵
久矣無名姓還誰許見招

鄒德溥一首

德傳字汝光安福人祭酒守益孫萬厯癸未進士改
庶吉士授編修厯中允選洗馬有雪山草甸句吟

九龍菴

杖到山窮處忽開祇樹林巖空松子落磴古蘚痕深野鶴有
仙格枯僧無世心此中觀太始靈籟夜沈沈

徐學聚一首

學聚字敬輿蘭溪人萬厯癸未進士除浮梁知縣改
吉水擢禮科給事中出爲湖廣僉事厯山東副使福
建布政使以右僉都御史巡撫福建天啟初贈副都
御史

靜志居詩話弘正以前實錄儲秘館薦紳罕得寓目
此祝希哲尤朝野記徐昌穀窮勝野聞等書多齊東

野人之語自華亭在政府鈔有副本奔州見之故史
料始得其實敬輿國朝典彙一編亦從實錄采摭者
也詩亦尙聲格惜所傳不多

遊武夷溪山宿天遊觀

渟泓萬里流峭突萬古壁下有鮫人居沈冥不可識真宰欲
獻奇假我扶搖翼紛來眩目光獨往疲足力仙蛻吐雙塔佛
螺觀千碧三十六危峯元英媚几席把酒一酌之相對若主
客俄焉迷脫徑一壑聊與適

柯茂行一首

茂行字堯叟莆田人主事維騏孫萬曆癸未進士除
海陽知縣有柯亭集

夏日集胡氏園亭

茲晨愜幽期茲亭頗宜暑蘿陰漏白日花檻落紅雨藉草時
偶談看山或共仵取醉渾忘歸月出樓頭樹

葛曦一首

曦字仲明德平人萬歷癸未進士改庶吉士授檢討
有太史集

讀二疏傳有感

翩翩雙引出長安回首青蒲曉月寒白髮最憐蕭太傅中書
未罷不辭官

王萱一首

萱字季孺慈溪人萬歷癸未進士改庶吉士授編修
聖駕秋祀山陵兼擇壽宮恭紀

金支高映玉芙蓉
騎吹聲連長樂鐘
霜露九秋修祀典
山川百里闢靈蹤
龍旂恩轉清飈度
鳳輦歸來瑞靄重
嵩祝祇今稱萬壽
石門好與白雲封

明詩紀事

貴陽陳田輯

庚徵

閃繼迪 一首

繼迪字允修保山人萬厯乙酉舉人除學官厯翰林院孔目遷吏部司務有兩岑園秋興吳越遊草山陰道中

於越山川范蠡城家家碧水浸軒楹舊聞萬壑千巖勝今傍三峯入洞行禹績會同餘想像霸圖生聚費經營荒煙銷盡興亡迹莫怪義之少宦情

陳翰臣 一首

翰臣字子卿莆田人尚書經邦子萬歷乙酉舉人有
三秀集木鷲集北遊草

黯淡灘

溪迴石瀨長崖束灘聲壯中流一葉下天地爲簸蕩歟如奔
電掣駛若輕弩放欹傾破層湍冥迷出高浪跌頓久未定相
顧色沮喪甯獨瞿塘惡膽落不可上誰能鏖危石坐使洪流
暢

曾仕鑑四首

仕鑑字明吾一字人倩南海人萬歷乙酉舉人授中
書舍人遷戶部主事有慶厯公車羅浮和杜諸集
梁九圖嶺表詩傳人倩近體時露警拔

送任陳二子西遊

兵後同爲客，悲秋奈別何。一尊停桂水，雙劍指牂牁。世已輕貧賤，吾將老薜蘿。飄然各歧路，去矣慎風波。

奉懷沈純甫

未是埋輪去，如何請劍頻。大臣方泣血，小吏敢批鱗。放逐懷明主，行藏鑒古人。譴深非獨汝，心折更都勻。

寄陳士鵠

聞君剖竹夜郎西，家遠天南不易攜。籍占楚人迷漢語，市通金齒譯雕題。花間負弩驅馴象，夢裏看山賦碧雞。歲晏獨愁書阻絕，嶺南關樹故淒淒。

展于少保墓

一
二
塚樹陰陰掩翠微
旌功祠下一沾衣
金繒遠監南遷誤
玉輦親迎北狩歸
五相不辭滄海死
漢王宜出白登圍
翻憐鄂墓西湖近
今古英雄涕並揮

余祖頤 一首

祖頤字于正
廣州順德人
萬厯乙酉舉人
除蘭陽教諭

別劉抱白練師遊楚

瀟湘西去路漫漫
拄杖秋煙岳色寒
七十二峯雲影外
不知誰共月明看

黃居中 二首

居中字立父
一字明立
晉江人
萬厯乙酉舉人
除土

海教諭歷南國子監丞遷黃平知州不赴有千頃齋集

列朝詩集明立專勤汲古得異書必手自繕寫僑居金陵年八十餘猶篝燈誦讀達旦不憊古稱老而好學斯無愧焉
靜志居詩話監丞銳意藏書手自鈔撮仲子虞稷繼之歲增月益太倉之米五升文館之燭一挺曉夜孜孜不廢讐勘著錄凡八萬冊墳土未乾皆歸他人插架深可惜也
田按尤西堂人史局撰明藝文志五卷後來史官以西堂所撰蕪雜荒謬削去底稿取黃氏千頃堂書目爲底本以私家紀載而爲一代史乘之目錄其收藏可謂宏富矣

閩冬社集永慶寺因登謝公墩

覽勝腸如渴沈陰約屢更茲遊風日美忽感古今情雲物仍
鍾阜人煙尙治城未能忘小草徒爾負蒼生

答李與熙

故國煙霞舊山園
薜荔新一杯風雨夜
應憶未歸人